



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka ("Službeni glasnik BiH" broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka ("Službeni glasnik BiH" broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU HRVATSKE STRANKE PRAVA POSAVINE

Broj: 03-07-6-442/12  
Sarajevo, 24. oktobar 2012. godine

## *SADRŽAJ*

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole . .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava Posavine za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost, koja bi se dobila izvršenom revizijom u prostorijama stranke.

**Na osnovu obavljenog pregleda godišnjeg finansijskog izvještaja, utvrđeno je da je Hrvatska stranka prava Posavine prekršila odredbe člana 11. stav (4) Zakona o finansiranju političkih stranaka.**

**Pregledom, odnosno kontrolom finansijskog izvještaja, osim gornje napomene, a imajući u vidu činjenicu da politička stranka nije dostavila dodatnu finansijsku dokumentaciju, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava Posavine za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava Posavine ostvarila je ukupan prihod u iznosu od 3.550,68 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	3.548,79	99,95 %
8	Ostali prihodi	1,89	0,05 %
	<b>Ukupni prihodi:</b>	<b>3.550,68</b>	<b>100,00 %</b>

U godišnjem finansijskom izvještaju stranka je iskazala rashode u iznosu od 3.623,39 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska stranka prava Posavine. Skraćeni naziv stranke je HSP Posavine.

Stranka je registrovana 16.05.2008. godine u Općinskom sudu u Orašju i u sudski registar upisana pod brojem: 025-0-Reg-08-000076.

Sjedište Hrvatske stranke prava Posavine je u Orašju, Ulica VIII bb .

Lice ovlašteno za zastupanje stranke je Andrija Mendeš, predsjednik stranke.

Lice ovlašteno za podnošenje finansijskih izvještaja za 2011. godinu je također Andrija Mendeš.

Prema podacima iz godišnjeg finansijskog izvještaja, Hrvatska stranka prava Posavine nema organizacionih dijelova nižeg nivoa.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Hrvatske stranke prava Posavine za 2011. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju, da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** godišnjeg finansijskog izvještaja Hrvatske stranke prava Posavine obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Izvršen je pregled godišnjih finansijskih izvještaja Hrvatske stranke prava Posavine u periodu 2008. do 2010. godine i izdati su izvještaji o pregledu sa nalazima revizije i preporukom revizora da stranka treba postupati u skladu sa odredbama člana 11. stav (4) Zakona o finansiranju političkih stranaka, odnosno da pored finansijskog izvještaja na zahtjev Centralne izborne komisije Bosne i Hercegovine dostavlja i dodatne izvještaje.

#### **Nerealizovane preporuke:**

Hrvatska stranka prava Posavine nije ispoštovala preporuke revizije, odnosno kontinuirano krši odredbe člana 11. stav (4) Zakona o finansiranju političkih stranaka.

### **5. NALAZI I PREPORUKE**

#### **5.1. NALAZI**

**Hrvatska stranka prava Posavine prekršila je odredbe člana 11. stav (4) Zakona o finansiranju političkih stranaka<sup>1</sup>.**

Hrvatska stranka prava Posavine na zahtjev Centralne izborne komisije Bosne i Hercegovine nije dostavila dodatnu finansijsku dokumentaciju za 2011. godinu, čime je prekršila odredbe člana 11. stav (4) Zakona o finansiranju političkih stranaka.

---

<sup>1</sup> U skladu sa odredbom člana 11. stav (4) Zakona o finansiranju političkih stranaka, sva lica koja su dužna da podnesu izvještaj, moraju da podnesu i dodatne izvještaje koje Centralna izborna komisija Bosne i Hercegovine zatraži.

Hrvatskoj stranci prava Posavine je dana 05.07.2012. godine upućen zahtjev broj: 03-07-6-442-2/12, kojim je od stranke zatraženo da dostavi kopije izvoda sa transakcijskog računa u periodu 01.01. do 31.12.2011. godine, kopiju dnevnika blagajne i podatak da li je politička stranka za svoj rad u 2011. godini koristila poslovni prostor.<sup>2</sup>

Obzirom da stranka nije postupila po navedenom zahtjevu, odnosno nije dostavila traženu dokumentaciju, dana 17.08.2012. godine upućena joj je urgencija, broj: 03-07-6-442-3/12, sa istim sadržajem.<sup>3</sup>

Hrvatska stranka prava Posavine nije postupila ni po urgenciji, odnosno nije dostavila traženu finansijsku dokumentaciju za 2011. godinu.

Prilikom izrade izvještaja, obzirom da politička stranka nije dostavila dodatnu dokumentaciju, Služba za reviziju se oslanjala na podatke prikupljene iz drugih izvora: podatke općine Orašje koja je iz svog budžeta finansirala Hrvatsku stranku prava Posavine, podatke iz jedinstvenog registra računa kod Centralne banke Bosne i Hercegovine i dr., kao i podatke iz godišnjeg obračuna ovjerenog od nadležne institucije (završni račun za 2011. godinu ovjeren od strane Agencije za finansijske, informatičke i posredničke usluge – AFIP).

## 5.2. PREPORUKE

*Preporučuje se Hrvatskoj stranci prava Posavine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbom člana 11. stav (4) Zakona o finansiranju političkih stranaka, odnosno da na zahtjev Centralne izborne komisije Bosne i Hercegovine dostavlja i sve dodatne izvještaje.*

## KOMENTAR

U ostavljenom roku, Hrvatska stranka prava Posavine nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju - revizor

---

<sup>2</sup> Zahtjev je stranci uručen u skladu sa članom 85. Zakona o upravnom postupku („Službeni glasnik BiH“ broj: 29/02, 12/04, 88/07 i 93/09), objavom na oglasnoj ploči Centralne izborne komisije Bosne i Hercegovine.

<sup>3</sup> Urgencija je 07.09.2012. godine, također dostavljena u skladu sa članom 85. Zakona o upravnom postupku.